



KOMUNIKADO PA PRENSA

Fecha

3 di novèmber 2015

Accountmanager

Jhanirha Da Costa Gomez-Anita

Email

jhanirha.anita@gobiernu.cw

MINISTER CAMELIA-RÖMER TA AKLARÁ VVRP A ENTREGÁ SU PRESUPUESTO

Willemstad - Ku asombro Minister di Tráfiko, Transporte i Planifikashon Urbano , esta Verkeer, Vervoer i Ruimtelijke Planning (VVRP) a tuma nota ku ayera 2 di novèmber 2015, miembronan di un frakshon den parlamento a trese dilanti ku e ministerio no a entrega su presupuesto pa tratamentu. E ponensia aki no ta korekto!

Tur lei ta pasa un proseso di konsulta, kaminda entre otro, Raad van Advies ta duna su remarkenan. Despues Gobièrnu ta evaluá e remarkenan i ta adaptá e lei òf ta splika dikun e no ta sigui e konseho. Den e konseho riba e presupuesto di 2016, Raad van Advies na e momentu ku e ta fórmula su konseho, a remarká ku e presupuesto di VVRP no tabata inkluí.

Promé ku Gobièrnu a manda e presupuesto Parlamentu sinembargo, e presupuesto di VVRP a keda inkluí debidamente. Manera por tuma nota na página 8 i 13 di e 'Algemene Beschouwingen' di e presupuesto, Gobièrnu debidamente a kontesta preguntanan di Raad van Advies i aña e presupuesto di VVRP na e presupuesto di Gobièrnu.

E presupuesto di VVRP ta spesifiká riba página 22 te ku 27, página 64 i 65 di e 'Beleidsdeel' i riba página 150 te ku 173 di ' Algemene Beschouwingen'. Un i tur por tuma nota di e presupuesto, pa asina nan komproba pa nan mes ku e presupuesto ta debidamente entregá na Parlamentu.

VVRP ta lamentá un konfushon innnesario i ku por laga un impreshon robes di e seriedat ku e ministerio ta ehekutá su trabounan kuné.

Ta na su lugá pa remarká ku e presupuesto a keda debidamente trata i su kontenido a keda diskutí den e reunion di preparashon di Parlamentu atraves di Minister Camelia-Römer ku otro frakshon nan den Parlamentu.